

مستشرقان

طبع و محل اداره :

م. ل. اوغمنده امنیت
 سندوخی جوارنده
 شکول بقوشنده
 ۲۲ نومرو

سلک. زه موافق آثار
 جدیده مع المنونبه
 قبول اولنور

درج ابدله بن آثار اعاده اولنور

دیر ، فلسفه ، علوم ، معنوی ، ادبیات تاریخ ، و سیاسیامده و بالخاصه احوال و مشوره اسلامیه بحث ابرو هفته ده بر نشر اولنور.

صاحب و مؤسسلری :

آبونه بدلی

در سعادتده نسخه سی ۵۰ یا ۵۰۰

ابوالعلا زین العابدین - ح . اشرف ادیب
 تاریخ تأسیسی

قبیله دن مقوا بورو ابله کوندریلمیره سنوی

سنه لکی	التی آیلنی	غروش
۶۵	۲۵	۲۵
۶۰۵	۲۰۵	روبله
۱۷	۹	فرانق

۱۰ تموز ۳۲۴

یدنخی جلد

۱۵ کانون اول ۱۳۲۷

۷ محرم الشریفه ۱۳۳۰ یخشنبه

عدد : ۱۷۳

عموم اعضای مجلس مبعوثان نامنه رئیس احمد رضا بك طرفندن
عرض اولنان تبریکاته جوابآده :

بك محظوظ اولدم. بتون رفقا كرك وفاق و حسن آمیزش
ایله ایفای وظیفه ایلمرینی ایستورم. بوکا سزده بذل همت
ایدیکز. « بیورمشلر و بوسرهده اعیان رئیس غازی مختار پاشاحضره
تلیینه توجیه خطابه : « بالطبع هیئت اعیانجهده بویولده صرف
مساعی ایدیور « جملهسنی ده علاوه ایلمشردر ،

مجلس مبعوثان ریاسته

هندستانده کائن قانکوتهدن وارد اولان تفرافدر ؛
عالم اسلامیت ، اختلافات داخلیه ترك ایله دارالاسلامك محافظهسنی
مقام خلافت عظامدن بکایورلر ، متینغ حائنده بولنان بورا مسلمانلری
سرك خبرلرکزی حجات عمیقہ ایله آلهرق بك متأثر ومکدر اولیورلر
وهیجاندهدرلر ،

خداورسولی عشقنه ، وطنپرولک نامنه اختلافاندن فراغت ایدرولک
خلافت اسلامیہی فلاکتدن وقایه ایتمکزی و دارالاسلامی دشمنه
چیکنتمه مکزی رجا ایدیورلر ،

۲۲ گانون اول ۱۹۱۱

عارف زهر اوردی

ایران دولت اسلامیہسی ده منقرض اولیور

تبریزدهکی (انجمن ایات) طرفندن درسعادته (انجمن سعادت) هیئته
کشیده اولنان تفرافنامهدر :

ذی الحجه نك یکریمی طقوزنجی کونی تبریزدهکی روسیه عساکری
قصبه داخلنه هجوم ایله اماکن امیریہی ضبط ایتمکدن ماعدا مکتب
چوچقریلہ کوچی قوتی اولیان عمل مانده آدملرک قتلنه تصدی وشهردهکی
دکانلری یغما ایتمک مبادرت ایلمشردر . اهالی بادی امرده اختیار
سکوت ایدرک اعتدال دملرینی محافظه ایتمک ایستمشلرسده ، اخیراً
روسارک توالی ایدن ظلم و وحشتلری اوزرینه مدافعه ایدرک بونلری
اماکن امیریهدن طرده موفق اولمشردر .

محرمک ابتداسنده روسلر اقامت ایتمکده اولدقلری (باغ) دن
قصبهیی بومباردمان ایتمک باشلایهرق آن بان اهالینک هیجانی تحریک
وتزییده سبیت ویرمشردر. یوم مذکورده طهراندن آلتان امرتافرانی
موجبجه اهالی متارکبه تشبثله مدافعهدن صرف نظر ایلمکری حالده
مع اتأسف روسلر تجاوز و تبدیلرندن واز کچیوب بومباردمانه دوام
ایلمشردر . بوندن بشقه روس عساکری کندی قونسولاتولری
جوارنده تجمع ایدرک کلن کچن چولوق چوچق ، اختیار ارکاک
وقادینلره قورشون آتمشلر وپک چوق بیکناهاک جائه قیمشلرور .

زیاده موافق وکزیاده شایان حیرت اولان تصورشیخ عبدهنک طلبهسی
بولنان شیخ رشید رضا طرفندن تأسیسی تصور اولنان دارالفنوندر .
مومی ایله (الدعوة والارشاد) دنیلن جمعیتک معاونتیه مصرده بر
مدرسه و برده اسلام دارالفنونی میدانه کتیرلمسی ایچون لازم کلن
اساسلری وضع ایتمشدر. پانسلا میزم یالکز اتحاد و اتفاق صورتیه کندی
محافظه ایچون دکل بلکه ده زیاده توسع ایچون دخی قوت بولمقدهدر.
حقیقت شوندن عبارتدرکه اسلامیت آفریقای مرکزیده کیتدکجه
توسع ایتمکده ودها زیاده انکشاف ایدهبیلهجک بر حالده بولمقدهدر .
الیوم غایت قوتلی بعض تظاهرات دینیہ مشهور اولیور. برای حج شریف
مکه مکرمه یه کلنلرک مقداری (۷۰۵۰۰) کیشیدن (۱۷۰۴۰۰) کیشییه
بالغ اولدینی کوربیلور . مصردن کچن حجاجک مقداری (۱۶۰۰۰۰)
درجهسنه کلشدر . یالکز دینی اولان پانسلا میزمدن بشقه دیانتہ تعلق
ایتمن دیکر بر پانسلا میزم دخی موجود اولوب ، بومدنیت شرقیه اسلامیہی
بتون لطافت و دبدبه سبیله یکیدن میدانه کتیرمکه ساعی بولمقدهدر . بر
چوق خرسستیان محررلر دخی فکر مذکورک میدانه کلمسی ایچون
چالشمقده ایسهلرده بونی اصل دینی اولان پانسلا میزم ایله قاریشدر مامق
لازمدر . «

عالم اسلام قانلر ، آنشدر ایچنده

دارالخلافةده

مبعوثانلر پوست قاوغاسی ایدیور ،

نصیحت شاهانه

عموم وکلا نامنه صدر اعظم سعید پاشا حضرتلری و مجلس نامنه
اعیان و مبعوثان رؤسای طرفلرندن ذات حضرت پادشاهییه سنه جدیده
هجریه مناسبتیه عرض اولنان تبریکاته قارشلی شوکتآب افندمز حضرتلری
زیرده محرر نطق هایون ایله مقابله و نصایحه بولمشردر :

« تبریکاتکزدن ممنون اولدم . سنه جدیدهیی بنده جمله کزه
تبریک ایدرم . ان شاءاه بو سال فرخنده فال مملکت و ملت
ایچون بادی سعادت اولور . مقصدم سلامت و سعادت حال
وطندر . بونک ایچون جمله نك متفقاً صرف مساعی ایلمسینی
آرزو ایدرم . شو آردلق موجود اولان اختلافاتکده ده
زیاده تمادی ایتمهسنی کورمکه مسرور اولتی املندهیم . جمله کز
اصحاب فضل و کالاتدنسکز . دوام موفقیتکز اخص آمالدر .
بویله مناسبات متیمنه ایله پک چوق دفعه ل کوروشمکه موفقیتمز
مجناب حقندن بینی ایدرم . «

بتون هندستان غلیانده

مصرده منتشر اللواء رفیق محترمزه (ابراهیم جاسر) امضاسیله یازیلپور: مسلمانلر ایله هندولر بالاتفاق بر اجتماع عمومی عقد ایتشلردر. بو اجتماعلرده هر ایکی طرفدن مؤثر نطقلر ایراد ایدیلرک حرارتلی آقیشلرله، تظاهرات شدیدله ایله مقابله اولونمشدر. خطیبلر، باخصوص خطیب هندوسی حاضرونی بالخاصه اطیبی طرابلسک مدافعه سنه، بو خصوصده تبرعانه بولمغه تشویق ایتشلردر. ناطقه پرداز، بش بیک ارویه ایله باب تبرعی کشاد ایتش جماعتک بر چوغی بو اترحیتله اتباع ایدرک پک بیوک مبلغ طویلاشمش و بر طرفندن ده اعانه یازلمغه دوام ایدلمکده بولمشدر.

انکلیز حکومتی، بواجتماعی متعاقب ممانعت ایتک ایسته مش ایسهده شدتلی بر روی ممانعت کورمش و مجتبعین بوظاهراتی هندعائله لرینک ممالک عثمانیهده اثنای سیاحتلرنده کوردکاری اکرام و مسافر پروراکه و عثمانیلردن مشاهده ایتدکاری مکارم اخلاق و آنارسیکنت و وقاره قارشی بروجیه کی تنقی ایتدکاری بیان ایله احتجاج ایتشلر و آوروپاده بولندقلری مدتجه بونک عکسنه اوله رق آورریالیرک جفا و تحقیرینه قابا معامله لرینه تصادف ایتدکاری علاوه ایتشلردر.

« بوکا بناء بزهندولر، دولت عثمانیه به تمایلی بر امر واجب کورویوروز، ایطالیانک دولت عثمانیه به قارشی اعلان ایتدیکی حربی، بر حرب دینی کبی دکل شرق و غرب نقطه نظرندن تلقی ایدیوروز، بز شرقی قرداشلر مزه قارشی وجائب اخوتی ادا ایتکله مؤاخذه ایدیله مه یز، چونکه شرقک شرقی، سلامتی دولت عثمانیه نك شرف و سلامتنه مربوطدر. معاذالله بودولت، بر کره سقوط ایدرسه ویل اهل شرقه! بو ایشده بالکمز مسلمانلردکل، بتون شرق علاقه داردر.

شبهه سزکه ایطالیانک بوتجاوز و حشته کارانه سی خبیث و خسران ایله نتیجه لنه جک، امور مالییه سی مختل اوله جق، آتش احتیاج ایچنده قاوریله جق، آرزغلتک جزاستنی پک آجی بز صورتده چکچکدر،

قالکوتده بتون عمله، برهفته لک معاشلرینی دولت عثمانیه به، حربده دوچار مضایقه اولانلره تبرع ایتشلردر. متبرعینک عددی، مسلمان و هندولردن بیکرجه در. بولردن کینک معاشی یوز، کینک بیکدر. مسلمانلر، (انجمن اسلام النادی) ده اجتماع ایله مجروحین ایچون جمع اعانته مدار اولاجق بر تشبته بولمشلر، بو صورته ده مهم بر مبلغک تأمیننه موفق اولمشلردر.

هر جمعه نمازندن اول جماعته اجزای شریفه قرآنیه توزیع اولنیور. بو عالی همتر، شبهه سز اهل اسلامک محصله شهامت و حمیتی ایسهده هندولرکده بو خصوصده دولت عثمانیه به قارشی ابراز ایتدکاری حسیات مودتکارانه نك و بتون شرقی قرداشلرینه قارشی حس ایتدکاری رابطه اخوتک ذکر جمیلی ایله کندیلرینه بتون اخوان شرقی نامنه ادای شکر ایتک لازمدر.

عین زماندهده یاره لشمش اولان قادینلری اسیر ایدوب کتوردکن ماعدا بالاتزام بر چوق مسجد شریف ایله اهلینک قوناقلرینی تخریب و احراق ایتشلردر. محرک ایکسینده اهالی سکون و اعتداله تمایل اولدقلری حالده، ینه روسلر، وحشتلرندن بر دللو واز کچه میهرک پک چوق معصوم قادین و چوققلرک قاننه کیرمشلر و کلی مقدارده ابنیه و اما کنی قصداً یاقشلردر. اکر روسلر یارینده حرکات غیر مشروعه و خونریزانه لرینه دوام ایده جک اولورلرسه، هر حالده بز، تبریز اهالیسی عموماً مدافعه یه مجبور اولوروز. کندی مظلومیت مزله حقوق مشروعه مزک مدافعه سنه روسلر طرفندن مجبور ایدلدیکمزی عموم مطبوعات ایله جهان مدنیته اعلان ایدر و عین زمانده روسلرک اصول و قوانین حقوقیه و معاملات جاریه انسانیه خلافنده ایقاع ایلدکاری مظلومی پروتستو ایله بتون عالمک انظار دقت بی طرفانه لرینی مظلومیت و مغدوریت مزه جلب و دعوت ایلروز.

مصر تظاهرات دینی و وطنپرورانه سی

بنغازی به کیتک اوزره سلانیکدن حرکت ایدوب مصره اوغرایان هلال احمر هیئتک بو وطن طیراغنده کی اخوان دین و وطندن حسن قبولی تصویر ایدن و «روم ایلی» رفیق مزده مندرج بولنان خصوصی بر مکتوبدن مصرده کی تظاهرات دیندارانه و وطنپرورانه یه عائد ششو بر قاق فقره یی بتون مسلمانلری یکدست وفاق و اتحاد کورمک ایستیان اخوان دینک نظرگاه اقتخارلرینه عرض ایدیوروز:

«اسکندریه به مواصلمت مزده مصر و اولان مساعی و هممات و وطنپرورانه سایه سنده همان هر شیشمزی حاضر بولدی. هر طرفدن تسبیلات فوق العاده یه مظهر ایدیوروز. حواجک تدارکی خصوصنده شمیدی به قدرک اوفاق بر مشکلات بیله کورمدک. صوب مقصودیمزه متوجهاً حرکت ایتک نیتنده یز. لہا محمد هر شیشم تام و مکملدر. اولجه بریلن یوز اللی انکلیز لیراسنه علاوه تلغرافه اشعار ایدیلش اولدینی وجهه برنسس امینه خاتم افندی حضرتلری طرفندن بش یوز انکلیز لیراسی ده تبرع اولمشدر. مصر هلال احمر هیئتی ده تشرین ناینسک یکر می سکوزنجی کونی

قاهره دن شهنندوفرله اسکندریه به کله جک و قره طریقیله بنغازی به حرکت ایده چکلردر. کرک سلانیکدن کتیردیکمز و کرک بورادن تدارک ایتدی کمز اشیا «۵۰۰» دوامک بر جموله تشکیل ایده جکی جهتله شمیدین مقدار کافی دوه تدارک ایدیلشدر. هیئت منسوبینی ایچینده بر رات مبیعه ایدیلشدر مصرلی تبار قارده شلریمزه مراجعت ایتدی کمز زمان بزه او قدر فوق العاده، او قدر نا قابل تصویر حسن قبوللر کوستریورلردی که ..

بز کندیلرینه تشکر ایتک، بو حسن قبوللرک قلبمزده حاصل ایتدیکی متدارقلری ممکن مرتبه اظهار ایلامک ایسترکن اونلر: «خایردییور- لردی، تشکره حاجت یوق. بز، تشکره شایان برشی یامیور، انجق وظیفه وطنیه مزی ایفا ایدیوروز. امین اولیکمز که هر نه یابه یامیورسه ک اونلرک همی بزم واجبات دینی مزدن، وظائف اخوتمز دندر. اکر سزه، دشمنله چاریشان و طنداشلریمزک امدادینه قوشان قارده شلریمزه بر معاونتده بولنیورسه ق بو اوغورده هر صورته معاونتده بولمغه نك بتون اسلاملرک بورجی اولدیغنی تقدیر ایتدی کمز دندر.»